

BSH-1-7

S 22

PETRAQ S. SAMSURI



*Sikur t'ish  
rrife nga retë*

VJERSHA SATRIKE

891.983-1-2

522

PETRAQ S. SAMSURI

S

Sikur t'ish rrufe nga retë

(VJERSHA SATIRIKE)

20613

~~4258~~

LIBRARIJA E SHTETIT  
GJYKANTORIT

SHTËPIA BOTONJËSE «NAIM FRASHËRI»

ME NJË SHOK TË DELEGUAR


Erdh në fshat i deleguar  
Për kontroll edhe me punë,  
Takoi njerzit kryesorë,  
Ca i fshehnë e ca s'ia thanë  
Dhe, siç thotë shprehj' e gjallë,  
«Kaloj me kallaj mbi gunë»



Shoku shok, i deleguar,  
Ulu shesh e shtrohu mirë!  
Përshëndetu me fshatarët,  
Rrëmo thellë e rri më çlirë,  
Se nga goja e atyre,  
Që prodhojnë çdo të mirë,  
Mund të mbledhësh xhevahirë!

## SA TË VIJË PRAP KONTROLLI

Kur vjen kontroll nga Tirana,  
S'ke ç'i thua ofiqarit.  
E prët popllin urtë e butë,  
Na punon e jashtë orarit...



Kur ekipi le shëndenë,  
S'ka buzqeshje, s'pyet «ç'doni?»  
Lipsur qoftë puna me popull,  
Nis të ngrihet tensioni.

E fillon me gjuhë të ashpër,  
Shit e bot burokraci,  
Është i lodhur, ka dhe mbledhje...  
N'orë pritje s'hyn njeri.

Dikush s'priti, çeli derën  
Po nga ç'hyri më parë dolli  
— Prit me ne — i tha një tjetër —  
Sa të vijë prap kontrolli..!

## PUNË E NXITUAR

Nga qyteti shkoi në fshat  
Një estradë, pak nxituar,  
I heq pjesës njërin akt,  
Se programi do shkurtuar...

Edhe pjesë e sakatosur  
Shkoi ashtu si shkoi,  
Sa fshatarët thanë nga fundi,  
«Shyqyr, që mbaroi»!

Se s'ka pjesa kok' e bisht,  
As përmbajtje as ide,  
Veç diçka që shumë e qartë:  
Ishte plani për atje.

Më ngadalë, shoqe estradë,  
Dosido nuk të del loja,  
Ja që fshati s'është i djeshmi,  
U ruaj se të del boja!

## KONTRASTE MIQSH

*(Qytetar i deleguar në fshat)*

— Mirsejugjej, o miq bujarë!  
Gjithnjë ju ardhsha për gëzime,  
Portë e juaj gjithmonë hapur,  
Jam ashtu si në sht'pi time!

*(Qytetari në qytet)*

— Kur ke ardhur, kur do ikësh?  
Diku jemi parë tok...  
S'më vjen në hatër. E po më fal,  
Se më pret aty një shok..!



## NA DEL SHKRIM ORIGINAL


Kur na mblihet kolegjumi  
i estradës të shqyrtojë  
shkrime nga bashkëpunorët,  
i ka zët t'i aprovojë.

Thonë shkrimi është i gjatë,  
Shumë i vjetër ky problem,  
Dhe kur është i përsosur,  
Shpejt i ngjitet ndonjë cen...

Po, kur vjen sezon i ri,  
Ky problem, që ish i vjetër,  
Del e bëhet aktual,  
Veçse nga një firmë tjetër...

Se antar i kolegjumit  
Bën punimin ideal:  
I heq pika, thonjza, presje  
dhe del shkrim origjinal...

.....  
Me të drejtë ju gjurmoni,  
Fshikulloni çdo të metë,  
S'është keq, më ndonjë numur,  
Të goditeni dhe vetë.



## I REGJURI

Kur dëgjon q'e kritikojnë,  
Ndizet, nxehet, bëhet furrë;  
Veçse trimi është i regjur,  
Kritikën e pret si burrë!

Dhe kur bën autokritikë,  
(Sikur gadi po derdh lot)  
Angazhohet për të ardhmen,  
Thua, sot i vuri pikë.

Mbledhjen tjetër prap havazi;  
Thotë: — Më thumboni kot,  
Unë kritikën e pranoj,  
Por... zotimet s'i mbaj dot.

Shok, vështrohu në pasqyrë!  
Zgjohu, shkundu, pak nga pak;  
Se kur vrëhet e shkrepstin  
E jep shënja anembanë,  
Mblidhi rripat, veri gjoksin,  
Vjen furtuna të përulan!

Kot më kot s'ka thënë plaku:  
«Stomna, shkon, vjen e kthehet,  
Por nganj' herë ngel te praku!»



## FJALE TË MIRA E GUR'NË TRASTE

Priti, priti gjithë sa ishin  
Urtë e butë e me durim,  
Ikë një e hyr një tjetër,  
Sikur të ishin për urim...

Hapej dera mbyllej dera,  
Pritje e popullit t'i themi...  
Javën tjetër prap havazi,  
Se asnjëjt s'ju zgjidh problemi.



Si nëpunës është në rregull  
Dëgjon njerëzit u qan hallë,  
Fjalë të mira gur' në trastë,  
Sa problemet ecin zvarrë.

Hajde shko, e shko e kthe,  
Iku viti e ca muaj  
(Pasi hedh edhe ca shuaj)  
Kësaj i thonë në gjuhë tonë:  
Sit e sit e mos gatuj..!

## NË AMBIENT

Ka mbaruar shkollë të lartë  
Sjell të renë, ka kulturë,  
Është i kohës në ndërgjegje,  
Mbeturina, s'pranon kurrë!

Veç fjalorë e vjetëruar  
Ndon s'e pati në provim,  
Me të kthyer në ambient,  
Shpejt e vu në përdorim.

«Ndjesë pastë» në ngushllime,  
«Zoti dhëntë» në urime,  
Dhe «amin» kur çfaq dëshirë,  
«Do zoti» kur pret më mirë!

Kur di gjë, apo nuk di,  
Shpejt bën be «Për perëndi»  
Dhe «Adio» demek «te zoti»,  
Shpesh e thotë si qëmoti!

Shkolla i ka bërë vënd,  
Është djalë parimor,  
Këmbëkryq shtrohet te këndi  
(Se kështu lidhet me masën)  
Muhabet siç e do vëndi...!





«TRESHI KA GJITHË UNITET!»

Ishin ç'ishin në një zyrë,  
Qe një kolektiv i zgjedhur,  
Porsi tenxherja kapakun  
Me qiri na ishin mbledhur!  
Ish drejtori, deli burrë,

Shefi qe për plagë melhem  
Gojëmjaltë kontrollori,  
Të tër' katërqind drehem!  
Thotë, drejtori «propozohet»  
Shpejt dhe shefi «aprovohet»,  
Kontrollori, po... «pranohet».  
Diku flet dhe ndonj' i vogël  
Por i thonë, «mos u zgjat shumë...  
Se po ve mbledhjen në gjumë!»  
Dhe pastaj, diç thonë në vesh  
Doemos ashtu si tresh!  
Dhe kështu të gjithë «Amin»  
S'ka pyetje, diskutim...

.....

Ç'ecin punët në këtë zyrë!  
Në të keq e çdo siklet,  
«Treshi» ka gjithë unitet...

## KUB VËRSHON ZËRI I MASËS

Ka ndonjë, që i fryn pendët,  
E kujton se fluturon,  
Lëshon urdhëra, jep vendime,  
Këmbanë e tij tingëllon...

Po kur vërshon zër'i masës,  
I ul puplat e s'flet më,  
Edhe zëri del i ngjirur,  
Dhe këmbana s'lëshon zë!

«NXEHJE SPORTIVE»

Shkova te një burokrat,  
Ditn' e parë më tha «po»,  
Ditën tjetër më tha «jo»,  
Të pasnesërmen «të shoh».

Pas ca kohe më tha «prit»  
Mbas një muaj «mos u mërzit».  
Shkoi një vit, tha «kam harruar,  
E dija punë të mbaruar...»

Por tani shtoi, ngadale,  
«jam zënë një kohë të gjatë,  
Me telashe familjare...»  
— Mjaft — i thash' havazë e vjetër,  
S'kam durim, për «sezon» tjetër...

Ti, më poqe e më nxive,  
Kam një vit «nxehje sportive»!  
Puna ime, unë e ti,  
Do të hyjmë në histori..!

## PARAGJYKIM

— Kur bën veshi ciu, ciu,  
Vjen pa tjetër një re shiu.  
Po lot syri më një anë,  
Vjen e keqja, prit hatanë.  
Kur del para dac i zi,  
Kthe nga rruga në shtëpi.  
E mos dilë as mos hyrë  
Se do ngjasë ndonjë mënxyrë!

— Po të ndeshësh m'ish uratën,  
Rrëmbe kazmën e lopatën.  
Kur sheh ëndërr se shikon  
Turli ëndrra natën vonë,  
Del gëzim e del trishtim,  
Del gjithmonë paragjykim...



## BABA QERIMI ISH ZEMËRUAR

*...nga koha e shkuar*

Baba Qerimi ish zemëruar.  
Mblodhi besnikët anë e mbanë:  
— U bënë të keq — u thoshte — njerzit  
Do të vendos, të bënj hatanë.

— Sabër, aman! — thirrën besnikët,  
Puth këmbë e dorë e thuaj medet, —  
Axhetis kafshët, ç'faj kanë fëmijët? —  
Baba mos bëj këtë qahmet.

Më keq dinaku thërret e çirret  
— Çdo lutje kot — tha më në fund —  
E kam vendosur e do ta bënj,  
Do përmbys botën ja... do ta tund.

— Bëje, or qen, — tha më i riu,  
Tek po zjente si vullkan, —  
Në është bota në dorë tënde,  
Përmbys shpejt, mos prit «aman».

— Sus, mor lanet — foli babai —  
Qofsh i mallkuar, ç'po flet kështunë,  
Nuk bëj asgjë, se u penduash;  
Do ti tani, po s'dua unë.

**EDHE «ZOTI», S'QE I ZOTI**

Kush vjedh a merr në vakëf  
Patën thënë dikur që moti,  
Sot a nesër, shpejt a vonë,  
Do t'i marrë hakën «Zoti»...



Mirëpo shekuj e vjet vanë,  
Prijs, shënjtore e perandorë,  
Vodhën, hëngrën sa mënd plasën,  
«Zoti madh»... nuk vuri dorë!

Prandaj njerëzit sot dyshojnë,  
Edhe kjo kuptohet lehtë:  
Ose «Zoti» s'qe i zoti,  
Ose qe ortak dhe vetë...!



## SHKËNDIA E SHENJTË

Një kryq të madh na bëri tezja,  
Ndezi kandilë mbushur me lyrë,  
dy tre shënjtoreve fytyrëngrysur  
Zbetë u ndriti ajo fytyrë.

U ngroh ikona e pak nga pak  
Shkëndia e shenjtë dha zjarr e flakë,  
Dhe u hodh flaka mori tavanë.  
Luftoi me të plaka e shkretë  
Ndërsa shënjtoret, që u digjej mjekra,  
Asnjë përpjekje nuk bënin vetë.

Tronditet tezja e bën çudi  
— Shyqyr të qoftë moj perëndi...  
Gjynah mos paça e mos u thëntë  
Si ra ky zjarr në vend të shenjtë?!

— Leri, moj nënë, i foli nusja —  
Leri të bëhen shkrumb edhe hi.  
Kur s'janë të zot të mbrojnë veten  
Ç'presim prej tyre unë e ti?  
S'të ndihne fare, leri mënjane  
Ndezën shtëpinë, gjetëm belanë!!



## E KUPTOI DHE TETO MARA

Shteroi lop' e teto Maros  
Iu bë gjiri kyç, u tha.  
Dual brinjët porsi rathë,  
Mbeti lopa për hata.

Rendi tetua, lau kryqin,  
I vu lopës hajmali,  
Dhe në bisht një pe të kuq,  
E këndoi pastaj në gjë.

Gratë i thanë marshalla!  
Me ajazëm e spërkati.  
Mirpo lopa s'po lëshonte  
Pikë qumshti «nga inati...»

— Të pëlçasë syri i lig,  
Me zili ma paska parë,  
Zhaba lopën ma ka pirë —,  
Thirrë e bot, kjo teto Marë!  
M'u tha lopa tha në fund,

I vu jonxhë, shtoi tagjinë,  
Dalngadalë iu çqitën brinjët,  
Plaka vù përposh kusinë...

Lopa s'paska marrë sysh,  
Hajmalisë i doli boja,  
E kuptoi teto Mara,  
Lopa millet që nga goja...!

## NUK I MBETET KOHË.

Burrë e grua ranë n'ujdi  
Të ndajnë punët e shtëpisë  
Të punojnë që të dy,  
Secili sipas fuqisë  
Por ashtu si brez pas brezi,  
Burri prapë si këndezi:

— Grua, ti e merr pastrimin,  
Bukë e gjellë dhe pazarin  
Dhe ashtu si nënë e mirë,  
Kujdes çupën edhe djalin,

— Ngadal burrë — i tha e shoqja  
S'e fillove ndarjen mirë,  
T'i mbetesh ngarkuar shumë,  
S'do t'të mbetet kohë e lirë...

— Mos bërtit, moj e uruar  
Se zgjove gjithë mëhallën,  
Pse pak jam vetë i ngarkuar?  
Kam komandën, urdhrin, fjalën!



## SIKUR T'ISH RRUFE NGA RETË


Ish në gjëndje xha Kasëmi.  
Por mendohej: e kish hakë  
Vetë ishte shtatdhjetë vjet,  
Por e kishte gruan plakë...

Xha Kasëmi ka të drejtë,  
Doemos njeri i gjallë,  
S'u bë hata për një femër,  
Kur kto raste ndodhin rrallë...

«Edhe një...» — thosh xha Kasëmi  
Lëshoi vlesë anëmbanë,  
— Ç'ka rinia, ç'do me mua?  
Ti ke vajzën un' paranë.

Por s'arriti dhëndri plak  
Ta shijonte një të tretë,  
Fletrrufeja e goditi  
Sikur t'ish rrufe nga retë!





## DIALOG I SHKURTUAR


Merre; bijë merre,  
Merre mos lu ndaj,  
Djalin e njoh unë,  
Ta zgjodhi babaj...  
— Ç'janë këto që thua?  
Kujton se s'të dua?!

— Babë në më do,  
Lere këtë punë  
Kur zgjodhe mamanë,  
A ndërhyra unë?

## ESHTE PUNA IME

Është epror i bir' i botës,  
Ka flakur çdo gjë të metë.  
Veç ka qejf shumë koplimentat.  
Sidomos nga seksi tjetër...

Kur e krehin, i buzqeshin,  
Përmbys plane e vendime  
Në guxofsh ta kritikosh  
Ta pret shkurt; «Është punë e ime»!



Barikadë në pozitën,  
Dhe kërkon të respektohet  
Veç harron respekti s'jipet,  
Por fitohet edhe mbrohet...

## Ç'FAJ I KEMI?

Është e hidhur, po, kritika  
Jep të nxehtë e të sëmbon  
Po me djerse del e keqja,  
Nganjëherë të shpëton

Veç ki mëndjen, kur je shtrembër,  
Ka disa që të lëmojnë,  
Të lëvdojnë e pëshpërisin,  
«Ç'faj i kemi, kur s'dëgjon...?»

## SI CFINGU

Kafshë e zogj na u peshuan  
Fili doli qindra okë  
Ish m'i ri nga gjith të tjerët,  
Por m'i rëndi në gjithë shokë

— Njëqind okë jam dhe vetë  
Cfingu tha, duk' u lëvduar  
Jam një mot m'i vjetër unë  
Fili si ma ka kaluar?

— Hidhiu peshës — foli kau  
Dhe zëmrohet i habitur  
Ti me këmbët si fill kashte  
Përmbi ne na qënke rritur?

— Po vërtet jam njëqind okë —  
Thoshtë cfingu — s'ka dyshim,  
S'pranoj unë tjetër peshë  
Unë kam kandarin tim...

— Shiko c'fing, se je gabuar,  
Do të dalësh hileqar,  
Thoshin kafshët duke qeshur  
S'do ta kesh kandarë ajar...

..... : : : :

T'matesh me kandin tënd,  
S'është punë aspak me mënd...!

## KËSAJ RADHE MË S'I ECI.

Raqeja, si qe martuar,  
Mbas dy vjet i plasi sheri,  
I shkoi syri diku gjetkë,  
E s'i piquej karakteri

— Mblidhu burrë — i thosh e shoqja,  
Por ai gjithnjë të tijën.  
Ik — i thoshte — shiko punën  
Po t'i fal edhe fëmijën...  
Merr të dytën shkojnë vjete  
Raqja prap havazë e parë  
S'je për mua — i thosh gruas —  
Se ke nerva, je e marrë...  
I vu drunë e së dytës.

Raqja shpejt e dha kararë  
Për divors s'e pät vështirë  
E kish gati majë gjuhës  
Epitetin «s'qëndron mirë»



Dolli Raqja prap në pjacë  
Nuk desh vles, isht' usta vetë  
S'ka mbetur pa bisht laraskë  
Shpejt e gjeti një të tretë.

Po ksaj radhe nuk i eci  
Sepse njerzit e përbuzë  
U gjend ngushtë para gjyqit  
Kur i ngritën akt-akuzë.

Dëshmitarë e ankuës,  
Qen' të bijtë edhe çupa  
Dhe tri gra njera pas tjetrës  
Se më s'ngrente, u mbush kupa

Kish në sallë dhe një nipçe  
Vogëlush, që s'dinte ç'bëhej;  
Qeshnin njerëzit edhe qanin  
Kur thosh: «Gjyshi, do maltohej».

## Ç'ESHTË IMPERIALIZMI?

Një kopësht zoologjik,  
Me tigrë, bizonë, minj,  
krokodilë, peshkaqenë, hipopotamë.  
Ku egërsirat janë tërbuar  
Dhe duhen rrethuar,  
Se duke u çarë vetë,  
Rrezik të marrin më qafë  
Dhe miljona jetë.

## MISIONARËVE NË KOLONI

Është e lashtë një fjalë e urtë:  
«Kur gjen fshatin pa qen,  
Mund të shkosh pa shkop në dorë,  
Asnjë e keqe nuk të gjen»

Disa thonë proverb tjetër:  
«Në luadh që është pa zot,  
Kush të dojë shkon e shtrihet,  
Kush të dojë vete kullot»



I pat thënë kto bota plakë,  
Rendi i vjetër si qëmoti,  
Por ja që, në këtë shekull,  
Në çdo vënd ka dalë i zoti

Dhe ky zot tani urdhron:  
— Nga ke ardhur e di vetë;  
Prapa ktheu dhe merr vrapin,  
Ndryshe kthen patkojt përpyetë!

## GANGSTERIZËM U.S.

- A ke ndonjë thikë  
A vegël vrasëse çfarëdo?  
— Jo, jo! Për Zotin, ju them të vërtetën!  
— Atëherë, duart lart  
Dorëzo shpejt kuletën!



## RACIZËM

Hej, ti zezak, pse ke hyrë në këtë lokal?  
Nuk sheh tabellën: «Ndalohet për njerëz me ngjy-  
rë?»

«Oh më fal, qënka vetëm për kanibalë!  
Pra, urdhëro atëherë «Hyre»...!»

## ME POZITË E PA POZITË.

Dikur, shok, të përshëndeta  
Edhe ti s'm'i ktheve sytë  
Ku ta dinja unë i shkretë,  
Që ishe ngritur në pozitë?

— Shoko, zbrit këtu në tokë!  
Mos kaq lart, or derëzi,  
Ule hundën pak më poshtë,  
Se t'u bë mëndja veri.

Dhe shqiponja mbret i zogjve,  
Fluturon gjer lart në re,  
Porse kokën e mban ulur,  
Dhe vështron gjithmonë për dhe.

.....  
S'vate gjatë; dje u takuam,  
Më përshëndete si më parë,  
Sot më thanë ke rënë nga shkallët...  
Dhe ke marrë samarë zvarrë..!





## GJYSHJA, MBRETI DHE PALLATET

Në përrallë gjyshja plakë,  
Kur isha fëmi,  
Më tregonte për pallate,  
Mbretër e hyjni.

Dhe më zjente fantazia,  
Përherë më shumë,  
Hypja, zbrisja nër pallate,  
Por vetëm në gjumë..!

— Nëno, shih, — i thashë sot, —  
Si po rriten katet,  
Si n'përrallë kur më tregoje,  
Varg janë pallatet!

— S'janë pallate — më tha plaka, —  
Pallati nuk ka lezet.  
T'hyjn' e t'dalin vegjëlia  
E mos ketë vënd për mbret..!

— Nëno, hesht — i thashë — aman,  
Se me mbretër e mbretri,  
Pallat, vetëm se në ëndër,  
Do shikonim unë e ti!

## KUR TË VRET DHE DHIA SHYTË.

Tartabiqi milingonën  
Një ditë shkoi për ta takuar.  
— Më vjen keq — i tha — dhe erdha  
Të t'mësoj për të punuar.

Milingona qëndroi pak,  
Dy antenat ia tundi  
Dhe ashtu, siç qe ngarkuar,  
Foli e qeshi sa mundi:

— Ti rron mbi kurriz të botës  
Ç'mund të bësh a nuk më thua?  
Kur për vehte s'je i zoti  
Çfarë do t'më mësosh mua?

## GRERA DHE BLETA.

— Ja dhe unë — thoshte grera  
Bredh mbi lule e në fletë,  
Thëthij lëng e mbledh polenë,  
Pse mos më thërresin bletë?

— Përmbi lulet që thith unë,  
Edhe ti mundet të shkosh,  
— i tha bleta me të qeshur —  
Po pse hojet i ke bosh?

Punë e mirë, o çamaroke,  
Do vullnet e do durim,  
Po të bënje dhe ti mjaltë.  
S'do lëpinje zgjoin tim!

## KURSIMET E KOHA.

Disa çmojnë kursimet e të hollave,  
Kur u janë mbaruar,  
Të tjerë bëjnë kështu dhe me kohën,  
Po kur ka kaluar.  
Të parët, për nevojë mund të shesin  
Ato që kanë blerë,  
Por të dytët, s'mund ta gjejnë;  
Koha iku, s'dëgjon të kthehet  
E humbën për ngaherë.

**PAK, POR SAK.**


S'është nevoja të themi  
Se dimë nga jeta,  
Por ato që themi  
Të jenë të vërteta.

## Ç'ESHTË TRIMI?

Është njeri si kushdo tjetër  
Por që s'dridhet ndonjëherë,  
E sheh vdekjen drejt në sy,  
Edhe vdes vetëm një herë!

## EDUKATË

— Ngreu, mor bir, — i foli plaku, —  
Djalit të vogël gjithë zemrim —  
Disa herë të kam thënë  
Nëm pak ujë, bëj mundim.





— Hesht baba, — i tha më i madhi —  
Ktij përtaci kot i thua,  
Më mirë ngreu e pi vetë,  
E, po deshe, nem dhe mua...

Babës, mjaft i jan' urimet,  
Nëpër dasma e dolli  
«Të rrojn' djemtë si azganë,  
I ke shtyllë për pleqëri..!»

## FSHATARI DHE QETË

Në një arë ugar të thatë  
Po lëronte si ngaherë,  
një fshatar me nj'ka të bëshëm  
Dhe një dem të porsa mbrerë.

U lodh fort fshatari i gjorë  
Kaut t'vogël thirrë e bot,  
Herë poshtë e herë lart,  
Në brazdë s'e vinte dot.

Dikush shkoi andej e tha:  
— Nuk ka faj ky dem i ri,  
Kau plak bën posht' përpjetë  
Dhe tërheq tjetrin pas tij...!

Hapi krahun bujku shpejt,  
Kaut plak, dy-tri hostenë,  
Thelloi brazda ç'ke me të,  
Pa të shoç, sa bukur venë...!

## NJË ZBULIM NË ANATOMI!

E mërzit monotonia,  
Gjith në zyrë e në shtëpi,  
Shoku «Iks» vendos të dalë,  
Një turne në miqësi.

Veçse duhet një raport,  
Se pastaj hajd' e dëgjo:  
S'ke ndërgjegje, disiplinë  
E del ofsajt në bordero.

Por a ka sot gjë që s'bëhet?  
Me përpjekje dhe mundim  
(Doemos dhe zgjuarsia)  
Për ta hedhur me mashtrim.

Shpejt mban vrapin n'ambulancë  
Dhe te shkalla zë ec shtrembër,  
Shtrëngon barkun nga e majta,  
Se i dhëmbka zorrë e verbër!

— Doktor, kam apendicit  
S'është akut për operim,

Vjen e shkon nganjëherë në vit...  
Vetëm do ca dit pushim.



— Lojtke bukur si aktor,  
Por — tha mjeku — mos harro,  
Zorrë e verbër është m'të djathtë.  
Ndrro shpejt dorën, mos gabo!

E përcolli gjer te dera,  
— Të lumtë — shtoi — diçka na çpikë.  
Po i shtohet një zbulim  
Topografisë anatomike...!

## PASQYRA E LËNDES

### Faqe

Me një shok të deleguar .....	3
Sa të vijë prap kontrolli .....	5
Punë e nxituar .....	7
Kontraste miqsh .....	8
Na del shkrim origjinal .....	9
I regjuri .....	11
Fjalë të mira e gur' në trastë .....	13
Në ambient .....	15
«Treshi» ka gjithë unitet .....	17
Kur vërshon zëri i masës .....	18
«Nxehje sportive» .....	19
Paragjykim .....	20
Baba Qerimi ish zemëruar .....	22
Edhe zoti s'qe i zoti .....	24
Shkëndia e shenjtë .....	26
E kuptoi dhe teto Mara .....	28
Nuk i mbetet kohë .....	30
Sikur t'ish rrufe nga retë .....	32
Dialog i shkurtuar .....	34
Është puna ime .....	35
Ç'faj i kemi? .....	37
Si c'fingu .....	38
Kësaj radhe më s'i eci .....	40
Ç'është imperializmi? .....	42

Misionarëve në koloni .....	43
Gangsterizëm U.S. ....	45
Racizëm .....	46
Me pozitë e pa pozitë .....	47
Gjyshja, mbreti dhe pallatet .....	49
Kur të vret dhe dhia shytë .....	51
Grera dhe bleta .....	52
Kursimet e koha .....	53
Pak por sak .....	54
Ç'është trimi? .....	55
Edukatë .....	56
Fshatari dhe qetë .....	58
Një zbulim në anatomi .....	59

84740

Tirazhi 2000 kopje      Format 70x100/32      Stash: 2204-65

Shtyp N.I.Sh. Shtypshkronjave «Mihal Duri» — Tiranë, 1963  
Stabilimenti «8 NENTORI»